



菅家文草 三

16
506
3



和門
號506
卷3

管家文草第三 詩三

早春內宴聽官妓奏柳花怨曲應製自以

明辨史之作向後五首未出京
城之作仁和二丙午年四十二

官妓誰非舊李家就中脂粉惣思華應緣奏曲

吹羌竹豈取含情惡柳花舞破雖同飄綠朶歡

酣不覺落銀釵餘音縱在微臣聽最歎孤行海

上

予為外吏幸侍內宴裝束之間得預公宴者雖有舊例又殊恩也王公依次行酒詩

明治三十七年
十月十日
購

臣相國以當次又不辭孟予前佇立不行
源史吟曰明朝風景屬何人一吟之後命
予高詠蒙命欲詠心神迷亂纔發一聲淚
流嗚咽寔罷歸家通夜不睡默然而止如
病胷塞尚書左蒸在傍詳聞故寄一篇以
慰予性

自聞相國一闕脣何以風光有主人忠信從來
將竭力文章不道獨當仁舍誠欲報義恩久發
詠無堪落渡頻若出皇城思此事定啼南海浪

花春

尚書左蒸錢席同贈以言各分一字探得

蒸佐世

讚州刺史自然悲悲信以言贈我時贈我何言
為重寶當言汝父昔吾師

相國東閣錢席探得

為吏為儒報國家百身獨立一恩涯欲辭東閣
何為恨不見明春洛下花

北堂錢宴各分一字探得

我將南海飽風煙更妬他人道左遷情憶分憂
非祖業徘徊孔聖廟門前

中途送春 以下二首
行路之作

春送客行客送春傷懷四十二年人思家淚落
書齊舊在路愁生野草新花為隨時餘色盡鳥
如知意晚啼頻風光今日東歸去一兩心情且
附陳

途中遇中進士便訪春試二三子

遇逢知友立中途便謝諸生恐舊儒補逸書篇

三百字

補逸書
試題之

不知詎得一明珠

以下三十四
首到州之作

得故人書以詩答之

以下三十四
首到州之作

拆封知再改風光讀未三行淚數行先悶秀才

占夏月

傳聞藤秀才五月
更可策試秀才吞海

更思進士泥春場寄

身雖苦為南海投步猶安自北堂努力君心能

努力存亡應在此文章

金光明寺百講會有感

三十日來草不青今朝兩物神靈何為頂上
重加頂永戴仁王般若經

早秋夜詠

初涼計會客愁添，不覺衣衿每夜霜。五十年前
心未懶，二千石外口猶掛。家書久絕吟詩咽，世
路多疑託夢占。莫道此間無得意，清風明月入
蘆簾。

新月二十韻

百城秋至後，三諫月成初。碧落煙氛盡，黃昏晝
漏餘。退衙西顧立，尋寺上方居。玉縷風頭畫，銀
泥日脚書。政將心緒急，忌却眼珠除。仰有纖纖

著行無皎皎，舒掛雲驚度。鴈投水誤遊，魚風腦
光相似。蛾眉細不如，藏應容掌握。動欲任吹噓，
少婦看珍重。詞人翫忽諸，推量葦影薄。想像桂
枝疎，庾令登樓嬾。王生命駕徐，浪花晴嶋嶼。露
葉映芙蓉，旅客愁而已。詩情樂只且，照勝冬雪
讀。明助夜潮漁，屬思江舟掉。宜瞻野草廬，平沙
閑點檢。曲浦獨踟躕，觸事高乘興。馳神半步虛，
了知新蚌蛤。那見老蟾蜍，若使虧盈易，催迴五
馬車。

始見二毛

我老於潘一十年二毛何處甚留連當初不見
今初見為是愁多卧海壖

秋天月

千閱消亡十日醉百愁安慰百花春一生不見
三秋月天下應無腸斷人

秋

涯分浮沉更問誰秋來暗箇客居悲老松窓下
風涼處踈竹籬頭月落時不解彈琴兼飲酒唯

堪讀佛且吟詩夜深山路樵歌罷殊恨隣鷄報

曉遲

重陽日府衛小飲

秋來客思幾紛紛况復重陽暮景曛菊遣窺園
村老送黃從任土藥十分停盃且論輸租法走
筆唯書辨訪文十八登科初侍宴今年獨對海
邊雲

近曾有自京城至州者誦書一絕云是越
州臣刺史秋夜夢營讚州之詞也予握筆

何人寒氣早寒早夙孤人父母空聞耳調庸未
免身葛衣冬眼薄蔬食日資貧每被風霜苦思
親夜夢頻

何人寒氣早寒早藥圃人辨種君臣性充徭賦
役身雖知時至採不療病來貧一草分銖欠難
勝簞決頻

何人寒氣早寒早驛亭人數日忘食口終年送
客身衣單風發病業廢暗漆貧馬瘦行程澁鞭
笞自受頻

何人寒氣早寒早賃船人不計農商業長為儼
直身立錐無地勢行棹在天貧不屑風波險唯
要受雇頻

何人寒氣早寒早釣魚人陸地無生產孤舟獨
老身裹絲常恐絕投餌不支貧賣欲充租稅風
天用意頻

何人寒氣早寒早賣塩人煮海雖隨手衝烟不
顧身早夫平價賤風土未商貧欲訴豪民擢津
頭謁吏頻

何人寒氣早寒早採樵人未得閑居計常爲重
擔身雲巖行處險癘牖入時貧賤賣家難給妻
勞餓病類

客舍冬夜

客舍秋徂到此冬空床夜夜損顏容押衙門下
寒吹角開法寺中曉警鐘開法寺在府衙之西行樂去留
遵月砌詠詩緩急播風松思量世事長開眼不
得知音夢裏逢

同諸小兒旅館東申夜賦靜室寒燈明之

旅人每夜守三戶況對寒燈不卧時強勸微心
雖未死頻收落淚自爲悲舍低應道星穿壁山
近猶疑雪照帷四五更來無一事咲看兒輩學
吟詩

在州以銀魚袋贈吏部弟一郎中
屈身探得一銀魚手自緘封意豈踈隨我多年
鱗半落贈君遠路淚猶餘不潛南海重波下將
躍東風解凍初非倚同時爲吏部唯思交道在
文書

旅亭除夜

駢策四時此夜窮旅亭閑處甚寒風苦思洛下
新年事無到家門一夢中

旅亭歲自招客同飲

招客江村歲酒盃主人多被旅情催家兒淺酌
爭先勸鄉老多巡罰後來愁減去年分手出笑
容今日雨肩開欲知倒載非陽醉舟撒漁竿遺
置迴

早春間望

早起灰心坐冥冥是夢魂雲中山色沒雨後水
聲喧強道春先至猶知日未暄迴頭無外物漁
叟立沙村

正月二十日有感

禁中內宴
之月也

寒氣遍身夜淚多春風爲我不誰何迴頭左右
皆潮戶入耳高低只棹歌遠憶郡鶯馴藥樹偏
悲五馬隔滄波諸兒強勸三分酒謝日忘憂莫
此過

夢宇尚負

府衛書生
一日頭死

每看名簡痛相哀，惜汝從公有小戈。爲訴妻孥將餓死，應窺太守夢中來。

春日尋山

偶得衙頭午後閑，二三里外出尋山。鳥能饒古溪邊聽花有，亞枝馬上攀。要賞煙蘿古遠入，嫌繁案牘懶先還。從初到任，心情冷，被勸春風適破顏。

行春詞

七言二十韻

欲願春風不受憎，周流四望睇先凝。才愚只合

嫌傷錦，慮短何爲理。亂繩慙愧城陽因，勇進庶幾馮翊以廉。穠莓苔石上心，沉陸揚柳花前脚。履冰辭謝頑民來，謁拜許容小吏送。祖萊統身，文墨徒相逐。任口謔吟罷，不能事事當資仁義。下行行且禱，稍梁登靈祠。恠語年高祝古寺，玄談暗老僧過。兩經營，修府庫。臨煙刻鏤，辨溝塍。遍開草褥，寬因錄。輕舉蒲鞭，宿惡懲。尊長思教，卑幼順單。貪恐被富強，凌安存老邁。食非肉，賑恤孤。博餓曲肱，繼縷家門留。問主耦耕田畔立。

尋朋遊童竹馬郊迎慶隱士藜杖路次興冥感
終無馴白鹿外聞幸免喚蒼鷹應緣政拙吉名
隆豈敢功成善最昇迴轡出收朝日旭整巾歸
慶暮雲蒸驛亭樓上三通鼓鼓公館窓中一點燈
人散閑居悲易觸夜深獨卧淚難勝到州半秋
清兼慎恨有青青汚染蠅蠅
一趨一拜意如泥鐫組蕭疎禮用迷曉漏春風
三獻後若非供祀定兒啼

路遇白頭翁

路遇白頭翁白頭如雪面猶紅自說行年九十
八無妻無子獨身窮三間茅屋南山下不農不
商雲霧中屈裏資財一栢遺遺中有物一竹籠
白頭說竟我爲語老年紅面何方術已無妻子
又無賊容體魂肥臯陳述白頭拋杖拜馬前懇
勸請曰叙因緣貞觀末年元慶始政無慈愛法
多偏雖有旱災不言上雖有疫死不哀憐四千
餘戶生荆棘十有六縣無饗煙適逢明府安爲

氏今之野奔波晝夜巡，鄉里遠感名聲。走者還
州別駕周施賑恤疲者起，吏民相對下尊上。老弱相携
毋知子，更得使君保在名。今之豫州刺史卧聽如流境
內清，春不行春春遍達。秋不省秋秋大成，二夫
五袴康衢頌多黍。兩歧道路聲遇翁，幸遇保安
德無妻不農心自得。五保得衣身甚温，四隣共
飯口常食樂在其中。斷憂憤心無他念，增筋力
不覺鬢邊霜氣侵。自然面上桃花色，我聞白頭
口陳詞謝遣白頭。反覆思安為氏者，我兄義保

在名者我父慈，已有父兄遺愛在願。因積善得
能治，就中何事難。仍舊明月春風不遇時，欲學
奔波身最懶。將隨臥聽年未衰，自餘政理難無
變奔波之間，我詠詩。

晚春遊松山館扶

官舍交簷枕海唇，去來風浪不生塵。轉移危石
開中道，分種小松屬後人。低翅沙鷗湖落暮，亂
絲野馬草深春。釣歌漁火非文友，抱勝閑吟淚
濕巾。

讀書

有迹崇丘父，無爲拜老君。春秋三十卷，道德五千文。口誦窺衙後，心耽到夜分。二經充晚學，那問舊丘墳。

春盡

風月能傷旅客心，就中春盡淚難禁。去年馬上行相送，今日雨降助獨吟。花鳥從迎來景老，鬢毛何被白霜侵。無人得意俱言咲，恨教茫茫一水深。

書懷贈故人

在遠想思，一故人花前月下海邊。春劉歆舊說，君聞取莫黨同門。妬道真，十三年山東燕劉歆。

思家竹

三畝琅玕種，有筠始從舊宅。小園分纔，帶客夢遊魂。見適問家書，使口聞殊恨。低迷摧宿雪，不期長養拂秋雲。子猷一日猶馳戀，豈敢涉年無此君。

分良藥寄倉主簿

欲留霜白老分寄地黃煎若和不盆中物當為飲
猶仙酒

問藺翁翁

問尔皤皤一老人名為藺翁事何因生年幾箇
家安在偏脚句瘦亦具陳

代翁答之

藺翁為名在手工顏齡六十宅山東毒瘡腫爛
傷脚偏不記何年自小童

重問

迎前問汝更辛酸年紀病源是老殘賣蒿村中
應賤價生涯定不免飢寒

重答

二女三男一老妻茅簷內外合聲啼今朝幸軟
慇懃問扶杖歸時斗米提

不衙後勸諸僚友共遊南山

衙後不勝客舍開相招信馬到南山松低老葉
危巖下水噴寒花迅瀨間欲伴孤雲尋間路猶
憐半日出塵寰洲民縱詐監濫盜此地風流負

戴逵

觀瀑布水

銀河倒瀉落長空，恰似霜紈颺晚風。清淺寒聲圖不得，將聞二十八言中。

得倉主簿寫情書報以長句兼謝州民不

歸之疑以下乞暇入京之作

停棹中洲得一封，看知到底寫心胸。無情今日濕襟別有分，去年傾蓋逢期我。歸帆唯六日恨君罷秩在，三冬常州若不重來見，客館何因種

小松

于近首津頭客館移種小松以備遊覽故云

宿船中

寄宿孤舟上，東風不便行。客中重旅客，生分竟浮生。語得塩商意，欲隨釣叟聲。此間塵迹斷，更嬾問家情。

舟中舟行五事

一株磯上松，嶮峭磯勢重。松全孤立性，磯絕四方蹤。隨分短枝老，任天細葉濃。無心雲自到，有節雪纔封。雖過陽雙怒，基堅不近攻。雖遭班爾

匠村陋不為容，赤木東南，嶋黃場西北，峯○豪
 常愛用，貪吏適相逢，刀割又傷斧，養生不涉冬
 文章誠可畏，礮上欲追從，白頭已釣翁，涕淚滿
 舟中，昨夜隨身在，今朝見手空，尋求欲凌浪，衰
 老不勝風，此釣相傳久，哀哉痛不窮，子孫何物
 遺，衣食何價充，荷鍾慙農父，駘羊愧牧童，非嫌
 新變業，最惜舊成功，若有僧為俗，寺中惡不通
 假令儒作吏，天下笑雷同，漸憶釣翁泣，悲其業
 不終區區渡海，麴吐舌，不停蹄，潮頭再三顧，如

戀故山，絡故山，何變切，母鹿每提携，適遇獠徒
 至，分奔道路迷，呼聲喧左右，流鏃雨，東西母子已
 相失，死生未相睽，茫茫不測水，豈是毛群栖，森
 森無涯浪，未會野獸蹊，何福鷄巢藪，何分龜曳
 泥，客有離家者，看覺漂血啼，海中不繫舟，東西
 南北流，不知誰本主，一老泣前洲，聞塩價，翔貴
 逆風去，不留夜行三四里，觸石暗中投，折檝隨
 潮蕩，空籠逐浪浮，欲求十倍利，還失一生謀，老
 泣雖哀痛，虛舟以放遊，有人前有禍，無物後無

愁昌進者如此虛心者自由始終雖不一請我
學庄周疲羸絕粒僧草庵結石稜石高三四丈
波勢百千層隣絕糧難到路尖人不登聞其長
斷食虛号遍相稱骨欲穿肌立魂應離魄昇我
將知實不試擲米三升納受即言曰施主誠足
稱今朝如不遇屍僵遂無興彼非須我食我非
知彼矜嗷嗷聞巷犬當吠此僧明

到河陽驛有感而泣

去歲故人王府君驛樓執手泣相分我今到此

問亭吏爲報向來一點墳

殘菊下自詠

以下五首
到京之作

踈籬豈敢冒霜威不恨凋殘氣力微天下涼陰
花下冷主人外吏故人稀應看晚色知閑物欲
引餘香襲客衣爲恐藂邊腸易斷徘徊未得早
南歸

冬夜閑居話舊以霜爲韻

扶

懷舊猶勝到老忘多言且恐損中腸交遊少自
心如水閑話今霄鬢有霜不恨寒更三五去無

堪落淚百千行相論前事故人在只是當時我
獨傷

三年歲暮欲更飯聊述所懷寄尚書平

右蒸

一離一會免如新隨念了知是宿因衙早尚書
長劇務告歸刺史暫閑人途中不惜分君手夜
後將論處我身世路難於行海路飛帆豈敢得
明春

正月十日同諸生吟詩

月色猶迷臘雪殘自知春淺我心寒若教花口

能言語定報通宵笑不歡時屬諒
開故云

賦得春之德風題中取韻三
十字成篇

和風期五日德化在三春遠近吹無頗高低至
有隣開花驚老樹解凍放瀆鱗號令今如此應
知養長仁

菅家文章卷第三終

